

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNA UG IKADU HANG TESALONICA**

Mensahe 3

**Pagtuo, Gugma, ug Paglaom—
ang Estruktur a sa Balaang Kinabuh i alang sa Igles iahanong Kinabuh i**

Basahong Kasulatan: 1 Tes. 1:2-3

I. Ang pagtuo, gugma, ug paglaom mao ang estruktura sa balaang kinabuh i alang sa igles iahanong kinabuh i, nga mao ang tinuod nga Cristohanong kinabuh i ug ang sulod sa unang Sulat ni Pablo ngadto sa mga taga-Tesalonica—1:2-3; 1 Cor. 13:13:

- A. Ang pagtuo mao ang kinaiya ug kusog sa buhat; ang gugma ang nakadasig sa pagbuhat ug ang timaan sa buhat; ug ang paglaom ang tinubdan sa pagkamalahutayon—1 Tes. 1:3; 5:8.
- B. Ngadto sa Dios ang pagtuo (1:8), ngadto sa mga balaan ang gugma (3:12; 4:9-10), ug naa sa pag-abot sa Ginoo ang paglaom (2:19).
- C. Ang pagbalik sa Dios gikan sa mga diosdios mabuhat tungod sa pagtuong gipatuhop sa bag-ong mga kinabig sa pagpamati nila sa pulong sa ebanghelyo; ang pag-alagad sa buhi ug tinuod nga Dios pinaagi man sa gugmang gipahimugso sulod sa mga magtutuo sa Tulo-usang Dios nga malangkobon-sa-tanang Magsasangkap nga nabuh i sa sulod nila; ang paghulat sa Anak sa Dios gikan sa mga langit mao ang paglaom nga naglig-on sa mga magtutuo aron lig-on gyod silang mobarog sa ilang pagtuo—1:3, 9-10; itandi sa Ezeq. 14:3; 1 Juan 5:21:
 1. Buhi gyod unta ang Dios kanato ug sa sulod nato sa matag aspeto sa adlaw-adlaw natong kinabuh i; kanang gikontrol, gigiyahan, gitul-id, ug gipahiangay ta sa Dios, bisan sa gagmayng mga butang sama sa atong mga hunahuna ug motibo, pamatuod man nga buhi Siya—Fil. 1:8; 2:5, 13; 1:20; 1 Tim. 3:15.
 2. Nagkinabuh i ta nga gikontrol, gigiyahan, ug gitul-id sa Dios nga buhi aron mahimong sumbanan sa malipayong mga balita nga atong gipakaylap—1 Tes. 1:5-8; 2:10; 2 Tes. 3:5.
 3. Isip mga magtutuo ni Cristo, magkinabuh i gyod ta sa kinabuhing naa sa atong espiritu nga nanghimatuod nga buhi diha sa mga detalye sa atong kinabuh i ang Dios nga atong gisimba ug gialagaran; ang hinungdan nga dili ta mobuhat o mosulti ba sa pipila ka butang kay nagpuyo man ang Dios sa sulod nato—Rom. 8:6, 16.

II. Ang buhat sa pagtuo maoy patukoranan sa atong Cristohanong kinabuh i ug pag-alagad—1 Tes. 1:3:

- A. Ang pulong *pagtuo* nagpasabot sa mga butang nga gituohan sa mga magtutuo (ang objectibong pagtuo—Efe. 4:13; 1 Tim. 1:19b; 2 Tim. 4:7) ug sa buhat sa pagtuo sa mga magtutuo (ang subjectibong pagtuo—Gal. 2:20).
- B. Ang pagtuo sa mga magtutuo sa pagkatinuod dili ilahang kaugalingong pagtuo kondili si Cristo nga nisulod kanila aron mahimong ilang pagtuo—Rom. 3:22 ug nota 1; Gal. 2:16 ug nota 1.
- C. Naggikan sa pagkadungog ang pagtuo, pinaagi sa pulong ni Cristo ang pagkadungog, sama ra sa pagkakita ang pagkadungog, ug sama ra sa pagkaila kang Cristo ang pagkakita—Rom. 10:17:

1. Sa ipamulong ang pulong sa Biblia kanato ug madungog nato, makontak nato si Cristo nga buhing pulong diha sa sinulat nga pulong, ug mahimo Siyang maaplikar nga pulong nga Espiritung taghatag-og-kinabuhi sa sulod nato—Juan 1:1; 5:39-40; 6:63.
 2. Sa motutok ta ngadto ni Jesus, paambitan ta Niya nga Espiritung taghatag-og kinabuhi sa Iyang Kaugalingon ingon nga elemento sa pagtuo aron Siya ang motuo alang nato; busa, Siya mismo maoy atong pagtuo—Heb. 12:2a.
- D. Ang pagtuo maoy pagpatinuod sa mga butang nga gilaoman, ang hugot nga pagtuo sa mga butang nga wala makita; walay imposible sa pagtuo—11:1; 2 Cor. 4:18; Mat. 17:20b; *Mga Alawiton*, #535:
1. Ang pagpatinuod paghatag mag pagkamao sa realidad sa butang nga wala makita; kini ang lihok sa pagtuo; “mopakitag kusog ug mobuhat gyod ang katawhang nakaila sa ilang Dios”—Dan. 11:32b.
 2. Rekord ang basahon sa Mga Buhat sa mga tawong nagbuhat isip nagsilbing Dios uban sa “buhat sa pagtuo,” nga mao kadtong “nagbuhat sa buhat sa Ginoo—1 Tes. 1:3; 1 Cor. 16:10; 15:58; Buh. 1:8; itandi sa 16:22; Heb. 13:6.
 3. Ang pahiuli sa Ginoo pagpahiuli man gikan sa mga butang nga makita ngadto sa mga butang nga dili makita (2 Cor. 4:18); ang walay kataposang panulundon (Heb. 9:15) ug ang dakong ganti (10:35) nga gisaad sa Dios pulos mga butang nga gilaoman ug dili makita.
- E. Ang pagtuo maoy ilhanan sa kinabuhi sa mga magtutuo nga nagpahimulos sa Diosnong Trinidad—1 Tes. 1:3, 5, 7-8; Rom. 1:8:
1. Ang pagtuo mao ang pulong sa Dios nga gidawat nato; kay buhi ug naglihok man kining pagtuoha, moresulta kini sa buhat sa pagtuo, nga naglakip sa tanang hustong lihok nga lugwa sa buhing pagtuo nato—1 Tes. 1:7-10.
 2. Ang pagtuo, pagtuo man nga ang Dios mao; ang pagtuo nga ang Dios mao nagpasabot nga dili ta mao; Siya ra gyod ang bugtong Usa, ang bugtong-talagsaong Usa sa tanan, ug balewala gyod ta sa tanan—Heb. 11:6; Gen. 5:24; Juan 8:58; 2 Cor. 5:7.
- F. Ang paagi nga makadawat nianang pagtuoha pagkontak man sa tinubdan, sa Ginoo, sa nahikay ug nahingpit nga Dios, sa pagtawag nato Kaniya, pag-ampo Kaniya, ug pag-ampo-basa sa Iyang Pulong—Heb. 4:16; 12:1-2; Rom. 10:12; 2 Tim. 2:22; Efe. 6:17-18.
- G. Gamiton gyod nato ang atong espiritu sa pagtuo aron motuo sa Ginoo ug ipamulong Siya; naa ang pagtuo sa atong espiritu, nga nasagol sa Espiritu Santo—2 Cor. 4:13.

III. Ang pangabudlay sa gugma mao ang labing maayong paagi nga magmabungahon ang buhat nato sa pagtuo—1 Tes. 1:3:

- A. Ang gugma mao ang tiunay nga pagdasig, ang kinabuhi sa sulod, ug ang tinuod nga kusog sa buhat nato sa pagtuo, nga mao ang pagkabaton nato sa Ginoo nga atong “unang gugma” aron makabuhay ta sa “unang mga buluhaton”—Bug. 2:4-5; Gal. 5:6; itandi sa Col. 1:28—2:1; 1 Cor. 15:58; Buh. 20:20, 31.
- B. Ang Dios gugma; nahigugma ta kay Siya may unang nahigugma nato—1 Juan 4:8, 19:
 1. Ang gugma sa Dios nagdasig natong mga anak Niya nga mahigugma sa mga tawo nga walay bisan unsang pagpihig—Mat. 5:43-48; itandi sa 9:12-13; 27:38; Luc. 23:42-43.
 2. Nagdasig nato ang gugma nga mangatiman sa mga tawo nga dunay mahigugmaon ug mapasayloong kasingkasing sa atong Dios Amahan ug maatimanon ug mapangitaong espiritu sa atong Cristo nga Manluluwas; mao kini ang pangabudlay sa gugma—15:3-10, 17-18; Juan 10:11, 16; 21:15-17; 1 Ped. 2:25; 5:4.
 3. Dili abughoan ang gugma, dili dali masuko, dili tig-isip sa daotan, motabon sa tanang butang, moagwanta sa tanang butang, dili mapakyas, ug maoy labaw sa tanan—1 Cor. 13:4-8, 13.
 4. Gitukod sa Lawas ni Cristo ang iyang kaugalingon diha sa gugma—Efe. 4:16; 1 Cor. 8:1.

5. Gikinahanglan nato ang nagdilaab nga espiritu sa gugma aron makadaog ta sa pagkadaot sa iglesia karon—2 Tim. 1:6-7; 2 Cor. 5:14; 12:15.
6. Aron makadaog sa pagkadaot sa iglesia, magtinguha gyod ta sa gugma uban sa mga nagtawag sa Ginoo gikan sa putling kasingkasing—2 Tim. 2:22; 1 Cor. 13:1.
7. Ang gugma maoy labing maayong paagi nga mahimo tang bisan unsa ug makabuhay og bisan unsa aron matukod ang Lawas ni Cristo—12:31b—13:1.

IV. Ang pagkamalahutayon sa paglaom mao ang molungtad nga kinabuhi sa buhat nato sa pagtuo —1 Tes. 1:3:

- A. Ang kinabuhing nadawat nato sa pagpanganak pag-usab kanato makapabaton natog paglaom, nga dunay daghang aspeto, alang ning panahona, sa umalabot nga panahon, ug sa eternidad—1 Ped. 1:3; Tito 1:2:
 1. Ning panahona duna tay paglaom nga motubo sa kinabuhi, mahamtong, magpadayag sa atong mga gasa, makagamit sa atong mga kagamitan, matransporma, magmadaogon, matubos ang atong lawas, ug makasulod sa himaya—Col. 1:27; 1 Ped. 1:3-5, 9; Rom. 8:23-25, 30; Fil. 3:21; 2 Tim. 4:7-8.
 2. Sa umalabot nga panahon duna tay paglaom nga makasulod sa gingharian, makahari uban sa Ginoo, ug makapahimulos sa mga panalangin sa kinabuhing walay kataposan inigpadayag sa gingharian sa mga langit—Bug. 5:10; 2 Tim. 4:18.
 3. Sa eternidad duna tay paglaom nga maanaa sa Bag-ong Jerusalem, nga niini hingpit tang makaambit sa nahingpit nga mga panalangin sa kinabuhing walay kataposan sa kinataposang pagpadayag niini sa eternidad—Bug. 21:1-7; 22:1-5.
- B. Ang pagkamalahutayon sa paglaom mao ang “pagkamalahutayon ni Cristo” (2 Tes. 3:5) ug ang “pagkamaintoson diha ni Jesus” (Bug. 1:9), ug “malahutayon [tang] modagan sa lumba nga naa sa unahan nato, motutok ngadto ni Jesus, sa Mag-uugda ug Maghihingpit sa atong pagtuo” (Heb. 12:1-2).
- C. Mobuntog ang pagkamalahutayon sa paglaom sa tanang matang nga pagkahigawad, pagkaluya sa kasingkasing, ug pagkaimposible; modaog kini sa tanang matang nga pagsupak, pagbabag, ug kaulangan—4:16; Fil. 2:13; 4:11-13; 1 Cor. 15:58; 2 Tes. 3:5.
- D. Mahingpit kanang pagkamalahutayona sa pagkabaton nato sa mga makasasala, pagpakaon sa mga magtutuo, paghingpit sa mga balaan, ug pagtukod sa iglesia, nga Lawas ni Cristo, alang sa gingharian sa Dios ug ni Cristo—2 Cor. 6:4; 1 Cor. 15:58.

V. Ang buhat nato sa pagtuo, pangabudlay sa gugma, ug pagkamalahutayon sa paglaom “sumala [man] sa sukod sa sukdanan nga gibahin kanamo sa Dios nga nagsukod”—2 Cor. 10:13:

- A. Sa espirituhanong buhat, ang labing importante mao ang masayod ta sa “sumbanan...didto sa bukid” (Heb. 8:5); kon dili ta makasabot sa plano sa Dios, walay posibilidad alang sa buhat sa Dios (Buh. 26:19).
- B. Dunay pihong buhat ang matag magbubuhay nga gisukod sa Dios kaniya ug dalan nga gusto sa Dios nga lakwan niya; kon nagbarog ka sa imong hustong posisyon, nagbuhay sa imong hustong pag-alagad, ug naglakaw sa imong hustong dalan, kana ang kinalabwang himaya—13:25a, 36a; 20:24; 2 Tim. 4:7.

VI. Niingon si Pablo nga, “Aron mahuman lang nako ang akong dag-onon”—Buh. 20:24:

- A. Gisulti kini ni Jessie Penn-Lewis—“Dunay ‘dalan’ nga giandam alang sa matag magtutuo sa panahon sa pag-anak pag-usab kaniya sa tuyo nga madala sa hingpit nga pagkahamtong ang bag-ong kinabuhi nga bag-o pa lang niyang nadawat, ug sa tuyo nga magmapuslanon sa Dios

ang iyang kinabuhi sa kinahingpitan gyod. Kaakohan sa tanang magtutuo ang pagpangita ning ‘dalana’ ug paglakaw diha niini. Dili makatino ug makasulti ang uban kon unsa kining dalana. Ang Dios ray nasayod ug ang Dios ray makapahibalo niini sa tawo; Siya ray makadala sa mga magtutuo niining dalana. [Ang sitwasyon] karon sama ra sa kaniadto sa dihang gigiyahan niya si Jeremias ug ang uban pang propeta, ug si Pablo, Felipe, ug ang uban pang apostol.”

- B. Ang labing mahimayaong butang sa kinabuhi sa tawo kana mang mobuhat siya sa gusto sa Dios nga buhaton niya diha sa sukaranan gyod nga gipahaluna sa Dios para niya; duna nay gitinong dalan ang Dios nga lakwan sa matag usa ka magtutuo.
- C. Giingnan sa Ginoo si Jeremias nga, “Bisan asa ka Nako paadtoon, moadto gyod ka; / Ug tanang isugo Ko kanimo, isulti gyod nimo”—Jer. 1:7b.
- D. Wala gyoy kagawasan ang mga gipili sa Dios; bisan pag gusto silang moikyas, dili sila makaikyas (itandi sa Jonas 1—2); daghang magtutuo karon nga masibotong nagbuhat, apan diyotay ra ang nagbuhat sumala sa gisukod sa Dios kanila ug naglakaw sa dalan nga gitudlo sa Dios alang nila—tan-awa ang *The Collected Works of Watchman Nee*, vol. 9, pp. 301-303.

VII. Dili gyod makawang ang paghago nato alang sa Ginoo diha sa Iyang kinabuhi sa pagkabanhaw nga naglakip sa Iyang gahom sa pagkabanhaw; gantihan kining paghago sa Ginoo nga mobalik sa pagbulot-an nga modumala ug sa pagpahimulos sa Ginoo diha sa umalabot nga gingharian—1 Cor. 15:58; 3:12; Mat. 24:45-47; 25:21, 23.